

I - ARABAKO BATZAR NAGUSIAK ETA ARABAKO LURRALDE HISTORIKOAREN FORU ADMINISTRAZIOA

Arabako Foru Aldundia

LURRALDE OREKAREN ETA LURRALDE ANTOLAMENDUAREN SAILA

305/2026 Foru Agindua, ekainaren 18koa. Donemiliagako eta Barrundiako udalerrietan dagoen "Bess Barrundia" izeneko energia elektrikoa biltegitartzeko instalazioaren plan berezia onesteko prozeduraren aurreko izapidea

Abei Green Energy SL energia elektrikoa biltegitartzeko "Bess Barrundia" izeneko instalazio bat sustatzen ari da Donemiliagako eta Barrundiako udalerrietan.

Sustatzailea instalazio horren izapidetze sektoriala egiten ari da Arabako Industria Administrazioaren Lurralde Ordezkaritzan, Euskal Autonomia Erkidegoan energia elektrikoa ekoitzi, garraiatu eta banatzeko instalazioen administrazio baimenerako prozedurak arautzen dituen martxoaren 31ko 48/2020 Dekretuan ezarritakoaren arabera.

Lurzoruaren eta Hiri Birgaitzearen Legearen Testu Bategina onesten duen urriaren 30eko 7/2015 Legegintzako Errege Dekretua, Lurzoruari eta Hirigintzari buruzko 2/2006 Legea eta 2/2006 Legea garatzen duten premiazko neurriei buruzko 105/2008 Dekretua aplikatuz, beharrezkoa da instalazio horren plan berezi bat izapidetzea, hirigintzan txertatzeko.

2026ko maiatzaren 6an, Abei Green Energy SLk Arabako Foru Aldundiaren esku hartzea eskatu zuen Donemiliagako eta Barrundiako udalerrietan dagoen «Bess Barrundia» izeneko energia elektrikoa biltegitartzeko instalazioaren plan berezia izapidetzeko. Eskaerarekin batera, Plan Bereziaren zirriborroa eta hasierako ingurumen dokumentu estrategikoa aurkeztu dira.

Azaldutako aurrekarietara honako oinarri juridiko hauek aplikatu behar zaizkie:

Lurralde Orekaren eta Lurralde Antolamenduaren Sailak du aztergai den espedientea ebazteko eskumena, Arabako Foru Aldundiaren Gobernuari, Antolamenduari eta Araubide Juridikoari buruzko martxoaren 15eko 10/2023 Foru Arauan eta Arabako Foru Aldundiaren sailen egitura 2023-2027 legegintzaldirako zehazten duen diputatu nagusiaren ekainaren 30eko 152/2023 Foru Dekretuan xedatutakoaren arabera.

Lurzoruaren eta Hiri Birgaitzearen Legearen Testu Bategina onesten duen urriaren 30eko 7/2015 Legegintzako Errege Dekretuak 13.1. artikuluan xedatutakoaren arabera, lurralde eta hirigintza antolamenduak urbanizazioaren bidez eraldatzetik babestu duen landa kokapeneko lurzoruan, "salbuespen gisa eta lurralde eta hirigintza antolamenduaren legerian aurreikusitako prozedura erabiliz eta baldintzak betez, zilegi izango da berariazko jarduera eta erabilera batzuk legitimatzea, baldin eta interes publikoa edo soziala badute, landa antolamenduari eta garapenari ekarpenak egiten badizkiote edo landa ingurunean kokatu beharrekoak badira".

Bestalde, Euskal Autonomia Erkidegoko Lurzoruari eta Hirigintzari buruzko ekainaren 30eko 2/2006 Legeak bere 28.5.a) artikuluan xedatzen duenez, "lurzoru urbanizaezinean egin ahal izango dira, berariaz eta eskusiboki, aplikatzekoa den legeria sektorialak edo lurralde plangintzak interes publikokotzat jotako zuzkidurak, ekipamenduak eta jarduerak ezartzera bideratutako jarduketak, baldin eta, kasu zehatzetan, interes publikokotzat jotzen badira dagokion foru aldundiaren ebazpen bidez, hogeit eguneko jendaurreko informazioaren izapidea bideratu ondoren".

Xedapen hori garatzen du ekainaren 3ko 105/2008 Dekretuaren 4. artikulua. Horren arabera, LHLren 28.5.a) artikuluan jasotako jarduketak baimentzeko, eta gainera ingurumen inpaktuaren adierazpen indibidualizatua behar badute, eta 5.000 metro karratu baino gehiagoko azalerari eragiten dietenak baimentzeko, modu osagarrian plan berezi bat idatzi eta onetsi beharko da, bat etorritik LHLren 59.2.c.7 artikuluan esandakoarekin.

Bestalde, plan berezia egiteko, izapidetzeko eta onesteko eskumenari dagokionez, LHLren 97.1 artikulua adierazten du plan bereziak plan partzialetarako ezarritakoarekin bat etorritik egin, izapidetu eta onetsiko direla. Gainera, 95.1 artikuluan ezarrita dago plan partziala egitea hasiera batean udalei dagokiela eta pertsona fisikoek edo juridikoek ere egin dezaketela.

LHL Legearen 95.5 artikuluan honakoa xedatzen da: “3.000 biztanle edo gutxiago duten udalerrien kasuan, behin-behineko onespina emateko erabakia hartzen denetik aurrera gehienez 10 eguneko epea egongo da plana dagokion foru aldundira bidaltzeko, behin betiko onar dezan. 3.000 biztanletik gorako udalerrietan, bigarren udal onespina behin betiko onespina izango da”

Ez dago 5/1998 Legearen 4.2 artikuluan jasotzen zenaren antzeko erregulaziorik LHLan. Hartan zehazten zen udalaz gaindiko plan partzialak eta bereziak direnean, hasierako eta behin-behineko onespina emateko eskumena, eraginpeko udalerrien arteko akordiorik egon ezean, dagokion foru aldundiari dagokiola, lurralde historiko desberdinetako udalerriei eragiten dietenean salbu. Halakoetan, eskumena Eusko Jaurlaritzarena da.

Lege hutsune hori judizialki konpondu da LHLren 92. artikuluan plangintza orokorra bateragarri egiteko ezarritako eskumen arauak analogiaz aplikatuz udalerrri bati baino gehiagori eragiten dieten plan bereziei.

EAEko Auzitegi Nagusiak 2009ko irailaren 16ko 573/2009 Epaian hauxe dio: “Ondorio horiek ez dute nahi esan udalaz gaindiko azpiegituren plan berezirik onetsi ezin denik [- albo batera utzi gabe Eusko Jaurlaritzako edo foru administrazioko sail bati dagokion sektore eskumenarekin egindakoak, 2/2006 Legearen 97.2 artikuluan aipatutako plan bereziak-], baldin eta eraginpeko udalerriak ados ez badaude eta egun indarrean dagoen legeriarekin bat etorritik, izan ere, 2/2006 Legearen araudi aurreikuspen zehatzik ez egoteak esan nahi du legezko hutsune bat dagoela. Hori dela-eta justifikatuta dago analogikoki aplikatzea foru aldundiari bateragarritasun plangintzaren onspina esleitzen dion xedapena”

Horri buruzko iritzia eman zuen baita ere Auzitegi Gorenak 2014ko maiatzaren 27ko 3355/2014 Epaian (3906/2011 errekurtsioa). Horren arabera, Gipuzkoako Foru Aldundiak hirigintza eskumena du lau udalerriri eragiten dien Pasaia portuaren zerbitzugunearen antolamenduko plan bereziari hasierako onspina emateko.

LHLren 92. artikulua bateragarritasun plana egiteari, izapidetzeari eta onesteari buruzkoa da, eta hartan jasota dago foru esku hartzea egongo dela bakar-bakarrik eraginpeko udalerriek horretarako akordiorik lortu ezean:

«1. Hirigintzako antolamenduko planak udalerrri bateko lurzorua baino gehiago hartzen duenean, eragindako toki entitateetako bakar batek egin ditzake formulazioa eta izapideak, hala badagokio, udal guztien artean iritsitako akordioaren arabera.

2. Akordiorik ez badago, foru organoak –arazoak lurralde bakar bati eragiten badio– edo autonomia erkidegoko organoak –lurralde bati baino gehiagori eragiten badio– bi hilabeteko epea ezarriko du akordio hori iristeko. Epe hori amaituta akordiorik lortu ez bada, foru administrazioak edo autonomia erkidegokoak –dagokionak– bateragarritze plan bat egin, izapidetu eta onartuko du. Izapideetan, entzunaldia eskainiko zaie arazoarekin zerikusia duten toki entitateei”

Horrenbestez, eta dagozkidan ahalmenak erabiliz, hau

XEDATZEN DUT

Lehenengoa. Donemiliagako eta Barrundiako udalei, "Bess Barrundia" izeneko Energia Elektrikoa Biltegitratzeko Plantaren Plan Bereziaren eraginpean dauden udalerriak diren aldetik, bi hilabeteko epea ematea, udalerrri horietako batek plan hori izapidetu eta onesteko erabakia har dezan.

Plan Bereziaren zirriborroa eragindako udalen eskura egongo dira Lurralde Antolamendua-
ren eta Hirigintzaren Zerbitzuaren web orrian: <https://web.araba.eus/eu/hirigintza/parke-eoliko-en-plan-bereziak>, bai eta zerbitzu horren egoitzan ere: Probintzia Plaza 5-1.a, Vitoria-Gasteiz.

Bigarrena. Ebazpen hau ALHAOn argitaratzeko agintzea.

Hirugarrena. Ebazpen hau Abei Green Energy SLri eta Donemiliagako eta Barrundiako udalei jakinaraztea.

Laugarrena. Izapide egintza ez kualifikatuaren izaera duen foru agindu honen aurka ezin da errekurtsorik aurkeztu.

Vitoria-Gasteiz, 2026ko ekainaren 18an

Lurralde Orekaren eta Lurralde Antolamenduaren Saileko foru diputatua
LAURA PÉREZ BORINAGA